

Budapest, 6.XI.28.

Honorato coidealista,

H — C

Multo gratias pro Vestro amabilitate. Naturale, me quere attinge successo in propaganda. Sed difficultate es etiam statu pecuniare in Hungaria de statu medio; interessatos, docentes in scholas medio, studiosos etc. es paupero, et me non desidera acquira solum usitores de IL, sed etiam adjuvatores de ApI.

Secundum meo, ultima registrabile signo de vita de Liptay es recensione super Universal per ~~Wahl~~^{Wahl} a.1908.

De januario de 1928 appare Hungara Heroldo, pulcro revista in Espo, cum illustrationes.

Nos forsan i pote funda sectione internationale de ApI pro interlinguistica theoretico. Sed meo proprio projecto es de alio natura. Dolore, nunc me non habe tempore pro elabora illo, sed post curto, me i mitte ad Vos propositos elaborato, super ambo.

Meo dissertatione interlinguistico progredere, sed magno impedimento es manca de materiale historico; me pote attinge solum opere de Couturat et Leau, et nullo plus moderno, extra libros de Occidental, Medial, Romanal et-Cosman. Ita evolutione de IL post 1903 non es ad seque, ipse sine volumines de ApI et Progreso/Couturat/, in annos ante bello. Post pauco tempore me i mitte ad Vos introductione theoretico de meo dissertatione, et si Vos taxa illo valorose, Vos forsan pote juva me cum materiale.

Me etiam prepara articulos super basi morale de ApI, et super instructione de interlinguas.

Me non cognosce, ut es accepto per Vos, si me dirige questione super ^{propagandistico} omni particularitate ad Vos. Nunc me etiam interroga, an Dom. Harpur, Seussure, Wahl, Weisbart recipe Schola et Vita.

Salutationes cordiale de

Imre Gyilagy.